

DIALUNA 16 MAART 1959

Instala aireacondi-
cionado na Bo
Cas AWOR!!



tel. 2170



Diario



pa Aruba

TRY.....
Tropical Cherry
a fine NEW softdrink
from
Tropical Bottling Co.
call 1773



ANJA 20

La Reina a nombra prof. L. J. M. Beel formateur di gabinete

**Gabinete lo mester conta cu colabora-
cion di representantenan popular**

Den Haag, 15 maart.: — Gabinete di S.M. la Reina a informa ayer nochi: „S.M. la Reina a pidi prof. mr. L.J.M. Beel, pa sirbi como informador y duna S.M. un rapport tocante e posibilidadnan pa forma un gabinete, cu lo por conta cu colaboracion productivo di e representacionnan popular”.

S.M. La Reina a ricibi e ministro di estado Dr. W. Drees y ministro-presidente Prof. Dr. L.J.M. Beel na Huis ten Bosch, ayera tardi.

E resultadonan oficioso di eleccionnan na Hulanda a duna e partido Gereformeerd Politiek Verbond un cifra di voto cu tabata casi 41 mas huntu cu e cifra di kiesdeler. E eleccionnan oficial cu ANP a consulta Diasabra atardi, ta muestra cu e cifra di voto cu GPV a hanta ta casi 25 menos cu e kiesdeler.

Por conclui afor di esey cu Gereformeerd Politiek Verbond no por hanta un asiento den Tweede Kamer. Como resultado di estipulacionnan riba partimentu di asiento cu so-

bra, esta pa e partidonan cu tin e gemiddelde mas grandi, e asiento aki lo worde duna na Partij van de Arbeid.

E gemiddelde di PVDA tabata solamente 25 mas cu e gemiddelde mas grandi di KVP (der abos caso na entrega di un asiento extra).

Stipulacion nobo pa importacion di auto na Hulanda

ORANJESTAD — Consul di Kon. Ned. Toeristenbond ANWB na Aruba a informa nos lo siguiente:

Segun stipulacionnan nobo di Ministerio di Finanza na Hulanda for di 15 Januari 1959 cada auto cu ser compra di existencia pa exportacion for di Hulanda mester tin e sinjal GN riba dje.

E mes un stipulacion aki ta pa autonan cu worde compra den estran-

heria y cual pa mediacion di un agente cu ta estableci na Hulanda ta worde entrega. Como pa yemamento dje formularionan y permisionan pa e autonan en kestion y pa hanta e sinjal GN, tin poco formalidadnan basta complica pa cumpli cu ne prome, tur esnan cu ta interesa ta worde suplica pa tuma tur informacionnan necesario prome sera e consul menciona, senyor H. J. Visser, cuarto no. 6 na warda di Polis na Oranjestad.

„Crucifixion” Vierne Santo den misg anglicano

SAN NICOLAS — Biene Santos 27 di Maart den e misa anglicano na San Nicolas lo tin e ceremonianan di „Crucifixion” y Oratorio di „Passion”. E entrada ta minimo, di manera cu esaki no por ta strobacion pa hende keda sin bai, y perde oportunidad di goza dje obra bunita aki cu tantu corancon conoci como canticanan conoci.

„Aruba ta ricibi e Escuadra V” pero falta transportacion

Bo ayudo tambe ta worde suplica

ORANJESTAD — Un dje problema di mas grandi cu e comision di recepcion di „escuadra V” tin, ta e problema di transportacion na mas di dosmil dje tripulantenan di e bapornan.

Naturalmente no ta ur e 2000 hombernan lo mester worde transporta na e mes un momento, pero sin embargo un cantidad di autonan mester ta cla pa hiba diferente gruponan na varios lugarnan.

E transportacion ta mas necesario ora dje ronditi (Diamars atardi 24 di Maart) y anochi ora di hiba e soldadnan cine y na militaire tehuzen.

Pa tal motibo e comision cu ta forma door di hendenan di „Onze Vloot” y „Officialnan di Reserva” na nos isla, ta hasi un peticion na tur esnan cu tin medio di transportacion pa duna nan cooperacion.

Simplemente pasa busca un windsticker (un papel cu bo ta plak riba windshield di bo auto) na warda Nicolas of tambe na Public Relations di polis na Oranjestad of na San Nicolas of tambe na Public Relations Dept. (H.M. Nassy) Lago, serca wachecommandant na Marinierskazerne, na Touristenbureau of na Trocadero.

Cu e sticker aki riba bo windshield automaticamente bo ta entrada riba terreno di haaf y cada solda sa cu tin un lugar disponibel den bo auto pele. Di awe mainta padifanti e stickerman aki ta obienbel na e lugarnan cu nos a menciona ariba.

E prome bapornan di guerra ta yega na nos isla Diabierna 20 di Maart proximo. „Karel Doorman” lo yega Dialuna dia 23 di Maart. Dia 25 di Maart e bishita ta tras di lomba atrobe. Tambe na e mes un direccionnan menciona bo por duna bo nomber na unda bo ta melde cuanto hende bo por transporta durante e ronditi.

E ronditi ta start 2 or. (Tur hende ta worde suplica pa ta riba terreno di haaf mei ora prome cu ora di start). E ruta dje ronditi ta lo siguiente:

Salida di haventerrein Oranjestad — Boulevard nobo direccion Palm Beach — Eagle Beach man dreci direccion Noord — Riba caminda di Noord na man dreci direccion pa Oranjestad — Riba caminda di bai pa Santa Cruz na robez pa Santa Cruz — na Parera na man robez den direccion di Kristalberg — Na Alaviviriri no sigui e caminda di asfalto, pero e caminda

di terra den direccion di Ayo — Bo ta pasa Ayo, cu ta keda na bo man dreci cu direccion pa warda di polis pa Santa Cruz. Bo ta sigui e caminda principal te ora bo yega na e pomp di gasolin, kita pa robez den direccion di Mira Mar y Fontein. Yega na Fontein na e cuucu Chinee bo ta sigui e caminda cu direccion pa San Nicolas. Na Serce Pretos bo ta kita pa dreci den direccion di Mahon. Bo ta sigui e caminda ora cu bo subi e caminda grandi di San Nicolas pa Oranjestad. Pasando dilanti di La Esperanza kita pa dreci drecha Rooi Frances. Riba e caminda cu ta pasa den Rooi Frances kita riba e caminda principal di Santa Cruz den direccion dje boulevard pa Palm Beach of pa Club Basi Ruti.

A.N.V. Aruba tam- be kier celebra dia di Neerlandia

Na Mei celebracion hubileo
di 50 anja?

ORANJESTAD — Siman pasa den Centro Cultural un moderado cantidad di miembronan a atende na e reunion anual di „Algemeen Nederlands Verbond” seccion Aruba, cual tin na tur casi 200 miembro.

E sugestionnan mas interesante cu a worde hasi tabata tocante celebracion di Neerlandiada, e sugestion pa aumenta e contribucion pa motibo cu e situacion financiero no tabata masha favorable, y e idea pa e miembronan na Aruba tambe celebra e fiesta di 50 anja di existencia dje bond aki durante luna di Juni. Pa preparacion di Neerlandiada (cu ta worde celebra dia di Reinado 15 di december) nan a forma un comision, den cual tin sientu Sra. Van Drie, y senjores J. van Zijl y Gerrit Schagen.

Directiva lo mira con ta para cu celebracion di e hubileo, y e contribucion a ser aumenta di f. 5.— pa f. 7.50.

Eleccion a trece siguiente personal den directiva nobo: E. Oehlers, I. G. van Doren, M. F. van Drie y A. A. Th. van Heerwaarden. Tambe nan a forma un comision consistiendo di senjores Westra, Th. Hesse y Mr. C. Heutke, cual comision ta bai in-



trouble-free

If you cannot breast feed baby, choose a food which resembles breast milk in nourishment, in digestibility and in health protection—Lactogen.

Lactogen is an all cow's milk formula plus vitamins A and D and iron, and it is so easy to prepare.

thanks to

LACTOGEN



Prepared by Nestlé's especially for infant feeding

vestiga kiko e miembronan ta pensa pa organisacion di radiohoorspellen y comedia. Nan lo manda un circulario pa tur e miembronan mas pronto cu ta posibel tocante esaki.

Por ultimo durante e reunion presidente Hesse a expresa palabranan di gratitud na senyor Frans van Drimelen, kende pa su propio peticion a sali for di directiva di A.N.V. y na senyor H. Kemmink kende otro luna ta bai Hulanda pa semper.

AIR CONDITIONING

Prome reunion di actividad di Ge- luidjagers tabata un exito

ORANJESTAD — Diamars anochi e miembronan di „Ned. Ver. van Geluidjagers” seccion Aruba, a tene nan realmente prome reunion di actividad na Trocadero. Durante e reunion aki nan a mira kende tabatin e mihor grabacion riba nan tape. Tabata un sorpresa cu diferente dje miembronan a logra graba hoorspellen of composicionnan musical. E total tabata masha instructivo. E prome premio tabata pa senyor Jeff Sanders, kende a traha un grabacion di un aterizaje sugestivo riba luna. Senyor Van der Mast, kende a graba un aubada na Aruba, a gana di dos premio.

Tur e grabacionnan lo worde forma na un total acceptable y na un debito tempo lo worde transmiti via Radio Kleiboom. E siguiente reunion pa actividadnan lo worde tene dia 14 di April proximo, y e biaha aki por scucha correspondencia riba tape di Geluidjagers na Aruba cu nan amigonan den estranheria.

Puntonan principal den prome relato anual di Y.M.C.A. na Aruba

Den curso di un anja e miembronan a aumenta
di 14 te na 547

ORANJESTAD — Nos a ricibi e prome relato anual di YMCA na Aruba, den cual senyor Ralph Papa, e motor poderoso dje organisacion a scribi entre otro lo siguiente:

„Durante e anja cu a termina 17.485 persona a tuma parti den actividadnan di YMCA (principalmente mucha homber). Den esaki ta inclui 8.125 bishita na e clubhuis y 9.360 bishita na diferente otro actividadnan pafor di clubhuis. Nos ta masha agraecido pa e ayudo cu nos a hantia constantemente di mayornan durante henter e anja, kende a traha como lidernan y cu sin nan ayudo nunca e programanan por a bira realidad y a progresa asina. Un equipo di 23 persona a traha na total 1.804 ora pa e muchanan. Entre nan tin seis cu pa beurt ta encarga cu control den e clubhuis (tabata Harry Wever, Leslie Lejuez, Robert Murray, Walter Wong, R. Daly y E. A. Beyde, Red.). E club semper ta habri tres biaha pa siman Contribucion di lider-

nan fuera di actividadnan di club, manera deporte, excursionnan y obranan den club e cuhiti 1300 ora di trabao durante e anja a pasa.

549 miembro

E anja a principia cu 14 miembro durante prome siman di existencia di „Y”, y e anja a ser termina cu no menos cu 549 miembro cu ta paga nan contribucion bon!

Durante e anja aki e terreno di deporte pa mas seguridad a worde sera cu waya di maneta cu bala no por bai pafor facilmente pa evita cu e muchanan mester corre subi caya tras dje bala. A bini acerca un volleyball-veld cu su net pa wanta bala. E biblioteca cu ta bira mas grandi continuamente a hantia hopi boeki valuroso acerca y revistanan. Tambe nan a hanta mesanan pa ping pong, un biljart chiki, schaken, wega di domino, puzzel y diferente otro weganan pa hunga paden y un televisor. Tambe „Y” a hantia luidspreekers di manera cu e muchanan por goza di musica.

E patjo patras di clubhuis a worde drecha considerablemente. Facilidatnan pa hunga „horseshoe spel” y un basket pa practica basketball, shuffleboard y un lugar pa tira scopet y flecha, etc.

Por lo de mas nan a organisa un club di sport-oficials cu ta reuni cuater bes pa siman, na tur nan ta 34 persona cu ta atende e reunionnan aki.

Asina cu YMCA ta termina su relato anual cu satisfaccion, pero sabiendo cu ainda falta hopi pa hasi pa hubentud.

Pa dos punto special „Y” ta masha agraecido, pa e ayudo financiero di tur hende, cu a hasi posibel pa cubri tur e gastunan di prome anja, y e ayudo grandisimo di e lideman cu a duna nan parti di nan ornan liber pa e muchanan sin ningun interes personal.

Texas Furniture Store
VOOR
Losse meubelen

Welga na Bolivia ta sigui

LA PAZ, 15/3. — E discusionnan entre e sindicacion y e autoridadnan pa pone un fin na e huelga den e minanan nacionalisa na Bolivia, a drenta un impasse. E huelgistanan a rechaza un compromiso di gobierno. E huelga ta dura 11 dia caba.



ORANJESTAD: —

Alerta

Di parti di polisnan ta worde avisa pa tene cuidao cu cumplimiento di holoshi cerca estranheronan cu na Aruba ta bendiendo holoshinan di color di oro, como si fueran nan tabata di oro puro. Ta imitacion dje holoshinan di e marcanan „Bulova” y „Tissot” (cual en realidad ta marcanan cu ta existi). E prijsnan pa e holoshinan cu e estranheronan ta pa pidi ta varia di fl. 30.— te fl. 60.—, pero ainda nan ta mucho caro pa e holoshinan aki cu no ta sirbi pa nada.

Candela chiki

Den un cunucu banda di Serce Patmoshi tabatin un candela chikito diabierna anochi. Brandspuit II durante 19 minut a paga e candela.

Hanya

Warrel Bristol di Van Gaalenstraat 8 a hantia un reuchi cu dos yabi n'e y un mascote y a hiba esaki na warda di polis na San Nicolas.

FATUM — Tel.: 1845
Pa tur ba aseguranon

Avion Irakes a bombardia territo- rio Syrio

CAIRO, 15 Maart. — Un comunicado cu cuartel general di eheroito syrio a publica ayera nochi ta declara, cu ayera tardi 3 avion cazador irakes di tipo „Fury” a ataca doelnan riba territorio syrio. Parce cu e avionnan irakes a bombardia 2 pueblo syrio, cu ta situa 10 km for dje frontera irakes, cu raket y mitrailleur, y nan a destrui un vehiculo durante e bombardeo.


E comunicado ta bisa cu e „lider” nan di Irak” ta responsable pa e ataque aki.

Un portavoz di eheroito syrio a declara: „ta marcante, cu e accion aki a cai huntu cu un ataque israelita cu a tuma lugar ayera tambe, den e region na frontera di Syria y parti norte di Palestina cu e judionan ta ocupa.

E ataque israelita a ser combati cu exito”.

Cu Mercedo Victora Den Extra Inning Ariba Friesche Vlag, Adams Chiclets A Obtene Titulo Di Campoen

Di nos sportreporter



E novena campeonil di Little League

ORANJESTAD — Un sensacional partido ayera mainta entre Adams Chiclets y Friesche Vlag a termina cu un empate. E partido a tene lugar den e cancha di Little League di nos isla. Tabata un partido verdaderamente digno di un final den cual Adams Chiclets a conproba un biahna mas cu nan ta superior na e otro novenan. Apesar di no ta fuerte den bateo e chieletonan ta drecha e falta aki cu maravilloso pitcheo di e zurd Colai Carolina, un filideo den conbunto cu ta admirable y un tino di wega pa provecha e minimo error di nan adversarionan pa por anota.

Manera nos a pronostica e wega a bira un interesantissimo duelo entre e dos lanzadornan: Carolina di Chic-

lets y Jimmy Richardson di Friesche Vlag. E zurdito di Sta. Cruz no a binta impone su ponchenan manera eustimbr, e la poneha 7, pero den e momentonan di mas dificil a la hanta cu un calma y maestria ehm-plar dominando e situacionnan peligrroso. Su control atrobe tabata impecable ya cu e no a regala ni un solo base por bola. Especialmente den e sexto inning Carolina a muestra su calidad ora cu tres contrario a embasa sin out y unicamente un carrera a worde anota.

Adams Chiclets ya den e promer inning a bai adelanti anotando dos carreras. E Thiel a hantia cu hit y a worde sigi pa S. Croes cu a embasa pa deadball. Carolina a sali cu fly

pa tercera. Thiel ta anota luego ariba un wildpitch di pitcheer Jimmy Richardson, mientras cu Croes ta cruza home door di un fielder's choice ariba un roller den infield. Apesar di pone hende na base den e segundo tercer y cuartu inning Friesche Vlag no ta logra anotacion sino te den e quinto inning.

C. Thiel a habri cu hit. Un toque di Pedro Pablo ta bira infieldhit y e corredor Thiel ta provecha pa bai te tercera, den e mas atrevido cohring cu nos a presencia den e campeonato. Despues cu Pedro Pablo a roba segunda, Joseph ta conecta fuerte rolling easi ariba segunda base cu tabata parece un hit, pero e diminuto shortstop a surgi y fildea den forma fantastico y lanza primera pa completa e promer out. Den e hugada Thiel a anota e promer carrera di su equipo. Pedro Richardson di pinchhitter pa Pinax ta come mesos cu bionecia cu a cerra e inning.

Sensacionalmente den su ultimo oportunidad Friesche Vlag ta empatar e partido. Siendo home team nan tin turno den cierre di sexto episodio. Y tabata cu apenas un infieldhit di e abridor Jacobs nan a logra e anotacion. Dany Pablo a sigi Jacobs cu rolling pa short, kende a busca out na segunda, pero Jacobs tabata safe. Rolling di Jimmy Richardson pa shortstop a provoca error y basenan a yena. E corpulento Dolli Kock, un temible bateador, a rola fuertemente pa tercera, pero Albertz a fildea bon y forza out na home. Thiel a sigi cu roller mas suave den direccion di segunda pa bira out number dos, pero Dany Pablo a cruza home cu e carrera di empatie. E cantidad di fanaticonan di e novena daktonjo a hera bira loco di alegria. Pedro Pablo na e sigui riba pag. 3

NEED TIRES??

DON'T MISS THE
NEW ATLAS
PLYCRON

TIRE

* NEW TREAD

for increased mile-
age, easier steer-
ing and less road
noise.

* NEW PLYCRON CORD

far greater strength, smoother riding and
safety.

* NEW RUBBER

far longer tread wear

* NEW STYLING

for improved appearance

* GET THEM NOW

AT ALL

ARUBA **Esso** SERVICENTERS





Un portret bieuw. Aki nos ta mira ex-Gezaghebber Kwarts na palabra durante ceremonianan di apertura di Radio Kelkboom dia 20 di maart 1954. Radio Kelkboom es tempo ayi tabata e prome emisora na Aruba.

Orgullo di Carlos Kelkboom jubilario ta su seguridad di empresa

COS NO A BAI ASINA MALO E PROME 5 ANJANAN ORANJESTAD: —

Claramente nos mester a haci Sr. Kelkboom un bishita siman pasa en conexion cu celebracion di prome lustro di su estacion di radio. Pues dia 20 di maart 1954 Gezaghebber dje tempo ayi a inaugura su station como prome emisora na Aruba. Carlos a ricibi nos den su estudio, esta den operating room, na unda mes ora nos por a ripara cu cu nos no por a bai malo pa Radio Kelkboom durante e prome cinco anjanan, locual ta dificil pa supone tambe cu un gerente entusiasta asina manera sr. Kelkboom.

Ya cinco aña a bula cu Sr. Kwarts a tene su discurso di apertura. Tempo cu e famian chikiti tabata draai perdi, awor tin aparatonan di acondicionado solido tur caminda. E aparatura modesta dje tempo ayi hasta dia eba a haci lugar pa aparatonan mas moderno cu ta obtenible actualmente.

Y aki nos ta na unda nos ta cayi den e lugar preferido di Sr. Carlos Kelkboom, aki pue ta e corazon dje empres, den operating room. A ta e lu-

gar na unda e por duna nos su splicacionnan mas cu sinaki, esta na unda e ta lucha cinco aña largu. E ta demostra nos con ta masha dificil pa e estacion cayi afo, semper e tin e partunan mas importante ela na man. E tin tambe den su operating room diferente tape-recorders, remote amplifiers, di mas moderno etc., etc.

Te ainda e ta haciendo uso dje emisora di gobierno, y eal ta completamente na su satisfaccion. Personal di

Sr. Contran Arends ta dunele semper nan cooperacion te na unda cu nan por.

E programa

E programan dje radiostacion aki ta na agrado di e publico. Por ejemplo senior Kelkboom ta laga su sponsonnan mes dicidi tanto posibel nan



E programa di peticiones ta duna hopi trabao na e radiostacion. Masha hopi carta ta drenta tur dia, cual mester worde lesa y surti. Aki nos ta mira di r.p.dr. srta. Drina Botson, Sr. Germania Labad y Sr. Kelkboom rond di post entrante.

„16 di Febuari” noticiario di Partido Democratico Christiano

ORANJESTAD: — Den prome edicion di „16 di Febuari” di e Partido Democratico Christiano (yama den analogia di Fidel Castro su partido: „26 di Julio”), nan ta duna un declaracion di principio dje partido cual declaracion nos ta publica completo manera cu e tabata scribi den e noticiario:

1. Partido Democratico Christiano, ta ser guia den su principianan, consideracionnan i procedimientonan, door di e concepto di bida Christiano, segun palabra i ley di Dios.
2. Conformemente Partido Democratico Christiano, ta aspira un estado democratico Christiano, den cual uno i tur por obtene loka ta nan derecho, i den cual uno i tur lo ricibi loka ta pertenece na nan.
3. Pa tal motibonan Partido Democratico Christiano tin su bista firme fha ariba un estado den cual principianan i libertadnan di persona mester ser respa. Tambe den cual respet i comprendemento pa su opinion di memoria mester ser demostra, cu si no respa opinion di memoria nunca por ta na bienestar general.
4. Partido Democratico Christiano tin na bista cu pa fomento di Progreso e estado mester, segun necesidad, peneu pa guia, proteha i estimula iniciativa particular, semper teniendo na bista e bienestar general di su ciudadanonan.
5. Partido Democratico Christiano ta rechaza i condena pue tur clase di dictadura i omnipotencia di estado.
6. Partido Democratico Christiano ta exigi igualdad dilanti di ley pa un di su ciudadanonan, sin ningun clase di discriminacion, ni bao di cualkier forma cu e por ta.
7. Partido Democratico Christiano ta desea i aboga cu e posesion di autonomia di Antillas Neerlandesas ser mantene den reinado bao di cas di Olanje.

E diferente partidonan politica ta den centro di campanjanan electoral trobe pa eleccion di Eilandsraad, cual, manera nos a alocua siman pasa, lo tuma lugar dia 25 di Mei proximo.

Tanto AVP como PDC y PPA ta publica nan noticieronan di partido cu regularidad trobe, mientras e partidonan ta teniendo nan reunionnan di campanja tambe. Di UNA te cu awor no ta mucho movicionnan notable. Tambe e partido NPPA y Partido Liberal, cu pa eleccion di Staten a entrega nan lista di candidato, a mantene silencio te cu awor. Rumorinan fuerte ta corre cu ningun dje ultimo dos partidonan menciona lo tuma parti den eleccionnan venidero pa Eilandsraad.

Formacion dje Eilandsraad actual ta: PPA 15 sientos, AVP tres sientos y UNA tres sientos. Bestuurscollege ta henteramente forma di hendenan di PPA. E Eilandsraad na tur tin 21 miembro.

BEKENDMAKING

Wij maken hierbij bekend dat ons spaarbankboek No. 8136 door de houder Jesusita Odor de Kleans als verloren is opgegeven. Twee maanden na heden zal een duplicaat worden verstrekt, waardoor het origineel waardeloos wordt verklaard.

ARUBA BANK N.V.

Obispo di Antigua na Aruba

SAN NICOLAS (S.A. Exc. Mgr. Donald Knowles, Obispo Anglicano di Antigua, sin a pasa a yega Aruba pa su bishita anual na e comunidad anglicana na Aruba.

Na principio di siman pasa tabatin un servicio special pa recepcion dje obispo den misa y a yega Obispo a e mihor algun miembrenan nobo dje misa aki.

programa, y haciendo un seleccion dje grupito aki ala vez e ta complaer cu miles di oyentenan. Tambe sr. Kelkboom ta opina cu actualmente ta calypso y ranchera ta e disconan favorito dje publico, mirando na e peticionnan cu ta drenta.

E empresa tin diferente colaborador tijo, cual varios di nan durante e anjanan cu a pasa semper a keda duna nan cooperacion te cu awor. Nos por menciona e operador Ramiro Quant (3 aña), locutor Gerrit Schagen (5 aña), pasador Burgemeester O.P., kende tambe durante tur e anjanan semper a paca pa su programa, mas e operador Mario Acumero y Pedro Maduro, e locutorman Alfredo y Ernesto Rozensand, e damanan Drina Botson y Germania Labad den seccion di administracion, operador Antonio Garcia, e reportero Janchi Tromp y Carlos su rumen Joaquin, kende ta e tecnico dje empresa. Cinco hende tin un full time job na Radio Kelkboom.

Nos ta desea Radio Kelkboom y su carinoso gerente hopi anja mas di exito. Den nos edicion di mayan nos ta spera di publica e programa special na ocasion dje hubileo.

Dennis, de Schrik van de Buurt



„Ik geloof dat het goed voor je zal zijn, een streng dieet in acht te nemen, paps. Je buik zit vol gassen!”

„Mi ta kere cu ta mihor bo tuma un dieet fuerte, pai. Bo barica ta yen di gas!”

TARIFANAN NOBO DI BUS A TRECE MALCONTENTO GENERAL

(Di nos corre-pousal na Willemstad)

WILLEMSTAD: —

For di medio februario cu e tarifanan nobo di autobus a drenta na vigor, ta reinando un malcontento persistente den e chauffeurnan di un banda, y tambe den publico cu ta haci uso di nan, principalmente e parti di publico di Banda'riba. Asina ten cu tabata posibel pa investiga e causa di tur e malcontento ei, e motibonan principal y e loka ta pasando ta lo siguiente.

Manera ta eococi ta existi un comision pa duna Bestuurscollege recomendacion den asuntonan di autobus, cu actualmente ta compone di Sr. P. Paul, president; Sr. S. Sijtsma, secretario, y como miembronan Sr. J. G. Felix (pa reemplaza Sr. R. Martine, representando Eilandsraad); Sr. E. Schob (representando e chauffeurnan cu no ta organiza den un bond); Sres. R. J. Tschumie y R. J. Ignacia (representando e bond di chauffeurnan); y Sres. W. N. de Haseth y W. E. Bakhuys representando e empadronan di convooianan.

Comision no ta di acuerdo en tarifanan nobo

Lo cual a pasa dia e caso aki cu a trece tanto disgusto, segun nos por a comprende e asunto, ta cu e proposicion di Bestuurscollege pa cambia e tarifnan di bus a worde discutit den dje comision menciona aki riba, y nan a munda bise BC cu nos no ta di acuerdo cune, mientras nan a munda nan sugerencia con e tarifnan lo mester ta pa nan satisfaccion tanto e chauffeurnan como e publico. E tarifnan cu e comision a sugeri lo mester ta valido tanto pa e busnan chiki como pa e convooianan. Pero a resulta cu Bestuurscollege a dicidi di no acepta e sugerencia di e comision y di promulga su mes idea original di aumento di e tarifnan, mientras adem as a estipula cu e tarifnan ei ta e maximo cu por worde cobra. Cu otro palabra esnan cu ta desea por subi tarif y esun cu no kier ta laga nan prijsnan manera nan tabata. Resultado di esaki ta cu mientras e busnan chiki a pone nan tarif di acuerdo

cu e maximo estipula pa Bestuurscollege, e convooianan di Gobierno y di firma Bakhuys, a keda manera nan tabata. Ta di comprende cu e procedura aki ta perhudica, e busnan chiki y favorece e convooianan, y eci lo bira mas y mas expresivo segun tempo ta bai pasando. Otro resultado fatal dje tarifnan nobo ta cu despues di 8'or di anochi no ta cumbini chauffeurnan di Banda'riba corre mas cu

De „ARUBAANSE COUKANT” is een van de beste van de N.V. Arubaanse Coukanten. Uitgeverij en Publi. Mil. en wordt gepubliceerd door: N.V. Drukwerk, „De Stad” Telefoon 1116; Directie en Administratie Telefoon 2116 Redactie en Abonnementen Losse nummers 20 cent, verkrijgbaar bij Directie Houtdrukkers: O.J. STAARTJES, Utrecht.

Als Condition voor home

e tarifnan nobo y e publico ta esun cu ta sulri door dje medida aki.

Protesta

Den un reunion dje comision un paar di siman pasa, Sres. Schob, R. J. Ignacia y Tschumie a protesta energicamente contra di e decision di Bestuurscollege cu respecto na e tarifnan y di a haci caso omiso di nan sugerencia. Hasta a bai asina-leu cu nan a propone pa e comision bai sera Bestuurscollege oficialmente pa protesta y trata di logra pa drenta e situacion ainda. E personanan aki ta puotra ta eua ta e necesidad di un tal comision si un proposicion di nan di semelante importancia no ta worde tuma na consideracion segun nan anto e comision no tin necesidad di ta existi. E punto fatal den dje asunto ta cu mientras busnan chiki ta biza nan tarif, e convooianan si su tarif ta keda mescos. Den un asunto asina, cambia tur hende sa mucho hopi cu e competencia entre convooianan y e busnan chiki semper tabata sumamente fuerte, autoridacion no mester pone un regla lagando un clausula den pa e convooianan por hantia chens di kibra garantu dje chauffeurnan di busnan chiki. Dos cos tin, 1. sea ta hustifica y necesario pa alza tarifnan pa uno y tur, of 2. no ta hustifica. Y si maza tarifnan, no mester laga caminda pa ningun institucion di persona por udele pa haci danjo na otro. Cu otro palabra e mayera cu e asunto ta actualmente ta duna un impresion cu autoridacion mes no ta conveni si mester subi e tarif of no. Y ta hustamente esei ta e punto cardinal en tur e asunto ta draai rondo di dje.

Sres. Tschumie, Schob y Ignacia, manera ta splica mas ariba aki den, a protesta energicamente contra di e medidanan aki, pero sin a logra nada te ainda. Ta di spera cu Bestuurscollege lo bolbe tuma e asunto den un consideracion serio pa por yega na un solucion cu ta satisfase tanto e chauffeurnan en general, como e publico, principalmente hendenan di Banda'riba y di tal forma cu tanto autobusan como convooianan lo cobra e mesun tarifa.

20 maart 1959 m 8.15

in het CULTUREEL CENTRUM te Oranjestad

LEZING OVER

„DE SPROKEN, SAGEN en LEGENDEN van ARUBA”

Door de heer J. G. v.d. BERGH

Van de geschiedenis van het eiland, ons eiland, is wel wat bekend. Dank zij het werk van Dr. Harig weten wij nu veel meer. Doch er zijn andere geschiedenissen, die nimmer te boek zijn gesteld. Er bestaan verhalen over plaatsen op het eiland, die de moeite van het horen en lezen waard zijn. Over al deze „geschiedenissen” zal U iets verhaald worden. U zult zeer zeker tevree-er en met een warmer hart voor ons Aruba naar huis gaan. Leden vrij / op vertoof van kaart). Niet-leden Fl. 1.—

16 maart 1959 om 8.15

in het CULTUREEL CENTRUM te Oranjestad

LEZING MET LICHTBEELDEN OVER

„DE WERELDREIS VAN DR. STRICH”

Deze lezing wordt in de Engelse taal gehouden, speciaal ten gerieve van onze Engels sprekende leden, de Engels studerende en degenen, die geïnteresseerd zijn in vreemde landen, vreemde zeden en gewoonten. De wereld is wonderlijk. Afstanden verdwijnen, cultures gaan langzaam maar zeker ten gronde. Daarom is het zeer interessant om deze lezing bij te wonen. U krijgt zeer zeker veel te zien, wat U nimmer meer zult ontmoeten. Dr. Strich stelt zich voor deze lezing als kennismaking te houden. Mocht de belangstelling groot genoeg zijn, dan kunnen gevoeglijk meerdere en dan meer gedetailleerde lezingen volgen.

KNSM



Een gezegde reis

TELEFON 12 Mrt. 1959 van: New York
TELEFON 14 Mrt. 1959 van: Cartagena
TELEFON 15 Mrt. 1959 van: New Orleans
TELEFON 17 Mrt. 1959 van: Amsterdam
TELEFON 19 Mrt. 1959 van: New York
TELEFON 24 Mrt. 1959 van: Amsterdam
TELEFON 26 Mrt. 1959 van: Amsterdam
TELEFON 26 Mrt. 1959 van: New York
TELEFON 30 Mrt. 1959 van: Amsterdam
TELEFON 25 Mrt. 1959 van: New Orleans

TELEFON KANTOOR ORANJESTAD
1777, 1778, 1779 en 1864 (algemeen)

TELEFON KANTOOR SAN NICOLAS
5264 en 5464

Bovenstaande data zijn voorlopig en
aan veranderingen onderhevig.



Serving Half the World

KONINKLIJKE NEDERLANDSCHE STOOMBOT MIJ. N.V.
ROYAL NETHERLANDS STEAMSHIP CO.
CIA. REAL HOLANDESA DE VAPORES



Vista general di Herbruggen amen za cu slipmentu di terra.



E habitante aki ta hantia warda na e zona di peliger.

NACHTMERRIE DEN ALPEN: — E cerrunan haltu cu ta rondana e poblacion Swiso den Alpen cu yama Herbruggen, cu den varano ta un fuente di gran placer y normalmente un proteccion for di e elementonan di invierno, a bira awor un amenaza. Te ariba di un dje cerrunan ta creciendo un „avalancha” cu ta menaza di basha abao y destrui e poblacion. Mayoria dje 250 habitantenan a bandona nan cas lagando solamente un paar di humber atras pa tene warda.

Cu merecido victoria den extra inning ariba Friesche Vlag, Adams Chiclets a obtene titulo di campeon

Continuacion di pag. 1

E momento crucial aki despues di conecta dos hit, ta come pomeche cerrando e inning. Sin duda alguna esaki tabata un gran actuacion di e lanzador zurdito ora cu apenas un carrera a worde anota teniendo tres na base sin out, y enfrentando bateadornan peligrosos.

E purido mester a bai den extra inning y Adams Chiclets cu a mira cinco ceros consecutivos colga pe ta reacciona den e septimo sortario y cu un rally di 7 carrera pa gana un cu victoria. H. Paesch cu a habri cu base por bola ta yega segunda luego ariba pasball. E. Thiel ta promer out cu foulty pa catcher. S. Croes ta conecta incogible iden, rightfield empujando Paesch, mientras cu e la provecha e tiro home pa bai segunda. E lanzador Jimmy Richardson awor ta mester cambia pa su ruman Pedro Richardson, kende tabata defende rightfield. Esaki tabata un cambio cu nos a hanja inecesario ya cu Jimmy tabata tin un out completa caba y no por bisa cu e tabata wild. Carolina ta saludu e pitcher obo cu hit den leftfield, bibanda Croes tercera y e mes a bai segunda cu e tiro pa tercera. Base por bola pa Alberitz ta haci e asunto mas complicada ainda pa e pitcher obo ya cu e basenan a yena. Damina ta conecta roller pa pitcher cu ta bira infieldhit ora cu e pitcher cu ta perde e bola; Thiel a anota segunda carrera di e inning. E cuarto hit di e inning ta worde conecta door di Ridderstap den rightfield. Tabata un hit cu a empuha Damina tambe wildpitch ta permiti Damia tambe anota. E Croes ta segundo out cu pomeche, pero M. Maduro ta ricibi base por bola. Cu Ridderstap na segunda y a yega safe. Ora cu shortstop Dany Pichlo ta debolhe e tiro di catcher Pedro Pablo pa saka e corredor Ridderstap, e tiro ta mucho habri y Ridderstap tambe ta anota.

Paesch cu a habri e inning ta toca na cerre tambe cu roller pa primera. Nada menos cu bisha e chicletonan a cruza home tumando un ventaha grandi cu ya a segura nan e titulo di promer campeon di Little League di Aruba.

Apesar di permit dos hit den e ultimo oportunidad di Friesche Vlag, Colai Carolina no tabata dificultad pa bolbe colga un cero.

E cantidad grandi di fanatico cu a baha di Sta. Cruz pa anima nan muchanan tabata loko di alegria den tribuna. Nan muchanan a gana e campeonato merecidamente y especialmente e ultimo partido den forma convincente y sensacional.

Sin duda algun gran parti di e hazafia aki a worde logra door di e magnifico pitcheo di e zurdito Carolina. Manera ya nos a menciona nan bateo colectivo no ta fuerte, pero

ayera na e momento oportuno nan a saka bateo. E cuatro hitnan den e septimo inning ta proba esaki.

Pitcher ganador a resulta Colai Carolina y perdedor Jimmy Richardson. E trabao di Carolina tabata lo siguiente: 8 hit permiti, cero base por bola regala, 7 poncha propina y dos carrera permiti.

Jimmy Richardson den 6 1/3 inning a permiti 4 hit, regala 3 base por bola y poncha 7 pa cinco carrera. Su ruman Pedro a lanza 2/3 inning y permiti tres hit regala, dos base por bola y poncha uno.

Adams Chiclets 2000007 9
Friesche Vlag 0000110 2

Brindis pa e campeonnan na Trocadero

Despues di e partido e hungadornan y un grupo di fanatico a bai Trocadero invita pa e agente di Adams Chiclets na nos isla, Sr. Harry Posner. Un brindis a worde obsequia door di Sr. Posner, kende ta orgulloso di leke e hoben pelotonnan a logra.

Ariba un dia cu ainda mester worde stipula entrega di Copanan lo luma juga despues di un partido entre Adams Chiclets y un seleccion di e otro equiponan.

Na e cantidad di pabienan cu Adams Chiclets a ricibi nos ke agrega esun di nos sinceramente.

"LA ESFERA"
obtenible na UNION STORE
Mainstreet - San Nicolas

La Fama a vence Riverplate pa bolbe gana torneo

(Di nos Sportreporter)

ORANJESTAD — Cu hopi interes di parti di e fanaticonan di futbol ayera final di e torneo Jong Aruba a tuma luga entre e dos oponentan La Fama y Riverplate. Na half-time e score di e emocionante encuentro aki tabata empatu na 1 goal pa banda. Den e segundo mitad La Fama a anota esun di gana, mientras cu Riverplate a perde oportunidad door di tira penalty afor. Cu score 2-1 La Fama a gana e torneo aki. E promer wega entre Buhali II y Jong Aruba II a termina empatu 1-1, pero cu penalty Buhali a gana.

Copanan a worde entrega despues di e partido door di e Rein adi Deporte Emelina I.

PAGINATRES

Facilmente Heineken's A Derota Un Erratico Amstel 18-6

Di nos sportreporter

O'STAD: — E novena cervecero di Heineken's diaVierno anchi a optene un facil victoria ariba nan rivalnan colega di Amstel. Cu abultado score di 18 pa 6 e wega a termina. Durante unicamente dos for di ocho inning, e pitcher nan usa pa Amstel a logra teneoletteronan contrario sin anota. Amstel di otro banda a amenaza for di principio trombe poniendo hungador den posicion di anota den e tres promer inningnan, pero ta te den e cuarto episodio nan a logra nan promer correa.

Lele Nunez a worde designa door di manager Ruben Phillips pa habri pa Heineken's y Gibbs a manda Jack pa Amstel. Nunez mester bandona e monticulo den e segundo inning caba, mientras cu Jack a haci mescos den e terror inning.

Heineken's ta anota su promer carrera den su promer oportunidad na bate. Escalona y Ramon Hodge cu ta habri cu base por bola consecutivamente ta adelanta ariba sacrificio di Ellis. Base por bola pa Hudson ta yena e basenan. Blijden luego ta conecta a largo foully den bardin derecho caminda Benschop ta haci un gran atrapada Hudson den corre-corre y finalmente e hungador aki ta worde saca, pero mientras tanto Escalona a anota for di tercera.

Amstel a amenaza seriamente atrobe den e segundo inning. Sonny Richardson a habri cu hit, Benschop a a sigi cu base por bola. Manager Ruben Phillips ta yama Alberto Bikker for di bull-pen pa releva pasando Nunez defende leftfield, mientras cu Ramon Hodge ta bandona e partido. Bikker ta poncha Wilson pa promer out, Kenneth Abrahams ta sali di pitcher pa primera despues cu tabatin doble robo.

Base por bola pa Jack ta yena e basenan, pero Gancha Richardson ta worde domina cu foully pa primera cerrando e inning. Un bon cero di pitcher Bikker.

Tres bisha Heineken's ta anota den nan mitad di e tercer. Nunez ta cuminsa cu incogible. Jack ta ricibi pasage gratis, pero Lynch ta promer out cu fly pa short. Cu rolling di Niles den man di pitcher Nunez ta worde forza na tercera. Escalona ta poncha e pasball ta permiti yega primera pa yena base. Bikker ta ricibi base por bola y Jack ta anota camu. Ellis ta sigi cu linea di hit den centerfield empujando Lynch y Escalona. Ponce pa Hudson a cerra e inning.

Un base por bola, un hit y un error den infield ta pone tres na base pa Amstel den e promer mitad di e tercer, pero atrobe nan ta bai den blanco.

En cambio Heineken's si ta provecha tur su bombornan cu embasa pa anota. Cerrando e tercer inning nan ta aumenta nan ventaha te 7-0 cu tres carrera mas.

Despues di un out Nunez y Jack ta ricibi base por bola. Lynch ta sigi cu hit pa pone 3 na base. Esaki tabata e senjal pa pitcher Jack di Amstel worde cambia pa Donald Pantophlet. Buscando un rally manager Phillips ta yama e corpulento Wallace Peters pa pinchhit na luga di Niles. Peters ta rola pa short caminda Wilson ta flumbea, pero pasa e bola na tempo ainda pa segunda Richardson kende ta comete error anotando Nunez y yegando tur otro

safe. E siguiente bateador Escalona ta conecta roller pa tercera y atrobe e intento di forceout na segunda ta falla ora cu segunda base Webu Richardson ta comete su segundo error consecutivo. Jack y Lynch a anota cu e error.

Escalona cu a trata di alcanza segunda base a worde saca pero Peters si a yega tercera safe. Bikker a cerra e inning cu ponche.

E promer carrera di Amstel ta surgi den e cuarto inning. Abrahams ta embasa pa deadball, luego Pantophlet ta conecta rolling di hit pa centerfield. Gancha Richardson ta promer out cu fly den left. Despues cu Webu Richardson ta sali cu foully pa primera, Trenchi Hofstjer ta remolca Abrahams cu hit den leftfield. Sharpe a sali di tercera pa primera cerrando e inning. Heineken's den e mes inning ta responde cu chato carrera mas. Ellis ta habri cu incogible den centerfield. Hudson ta fly out, pero Blijden ta conecta

E ta sigui riba pag. 4

Promer campeonato Little League tabata rotundo exito

Di nos sportreporter

ORANJESTAD — Awor e Promer Campeonato di Little League ya ta p'ertenece na pasado. Den tur sentido e refecto termina campeonato aki por worde yama un exito. E fanaticonan a repalda e wepman, e muchanan a hunga bon baseball y e organizacion cu a cobra cu gran apoyo di e umplenan tabata bon.

For di e baseball cu a worde demostra den benter e campeonato nos por mira com bon e futuro di nos baseball lo ta. Hopi di e muchanan a muestra calidad y un talento natural pa e deporte aki. Nos baseball den futuro lo por conta cu estrellanan cu for di chikito ya a sinja tur e triknan. Tambe ta importante e teamwork cu e muchanan aki ta sinja, mescos cu e disciplina. E novena cu a termina den promer lugar sin duda alguna a mercede no unicamente pa nan wega duna, sino tambe pa e disciplina cu nan a demostra. Manager Beto Croes a tene su pelotonnan bon bay control y e titulo ta loke nan a cosecha. Nos ta spera cu no unicamente nan wega lo sirbi como chempel sino tambe nan comportacion.

Pa esun cu promer a lanza e idea di forma un Little League aki na Aruba, Sr. Clyde Harms, sigur sigur ta un satisfaccion di por a mira com bon e campeonato a bai.

Competencia entre e chikitanan aki ta algo esencial pa deporte. Door di

Refresco. Pepsicola, soda, cerves, Champanja, etc., etc. Tur cos pa bo fiesta di pascu grandi, pasa na:
LA COMODIDAD
J. G. Emanstraat 70 - tel. 1667 - 1608

Cumpleaños feliz

Pa cortesia di

MARIO'S

nos tin tur cos pa bo fiesta

E simpatica y linda chikita Aida Maria de Cuba ta celebra su feliz cumpleaños y ta ricibi felicitacion di su mama Placida, tata Damian Arends, rumannan Agnes, Flora, Bubu, Robert, Choy, Roy y Erwin, madrina Rosa Quebero y demas familia.

Awe ta celebra su fecha natal di senjora Logenia Geerman. Felicitacion ta bini di su junan Bertha, Virginia, Juan, Regina, tambe di su 2 nietonan cu ta studia na Hulanda, Virgilio y Frans, y di su 23 nieto y nietanan na Aruba, di suegra Leonida, suegro Camilio Maduro y P. J. Singh, familia Geerman.

Hopi felicidad ta bay pa Cerilio Querino Dirksz, kende ta celebra su cumpleaños, pa parti di su mama, rumannan, wela, tur su amigonan di Laboratorio No. 1 y principalmente di un viejo amigo.

Awe ta recorda su fecha natal e graciosa hobencita Rosita Aurora Garcia. Felicitacion ta bini di su mama, tata, rumannan Chely, Antonio, Nibia, Axelina, Editha, Orlando, Henry y Ruben Garcia, especialmente di su amigonan di 2e klas di Maria College y di familia Garcia y Marciano na Venezuela.

E gentil caballero Mario de Cuba ta recorda su fecha natal y ta ricibi felicitacion di su estimada Mama Rosa, tata Nani, rumannan Mikula, Juanita, Maria, Feli, Jene, Filomena de Cuba, tur su tanta y omonan, wela Maria, welo Antonio Gonzalez, madrina Cresencia Giel, padrino Marce de Cuba, tur su amigonan di Noord y di Resfresqueria lagrid, especialmente di Maria y Loreta Britten.

Hopi felicitacion ta bay pa Matilda Orman, pa parti di su junan Simeona, Clara, Baldomera, Bertha, Beatriz, Ciprianan, Ursula, Elvi, Emilio, Chemitto, Rosendo, tambe di su esposo Anselmo, nieto y nietanan, suegros nan.

Un cordial pabien ta bay pa Sra. Maria Rosa, pa parti di su estimado esposo Hoze, kunan Frankelin, Elvira y Robert Roza, especialmente di su sobrina senjorita Dita Figaroa y demas familia Figaroa.

Bo mester di un regalo pa bo esposa?

MARIO'S

tin
FLOORPOLISHER

Curso pa bordametu pa Universidad Popular Aruba

ORANJESTAD — E damanan E. Brook i L. Robles de Medina lo bai dirigi e cursenan di bordamentu, cual ta bao di auspicio di Universidad Popular Aruba. E curso aki lo dura 5 siman y e prome otro anochinan ta dia 9, 16, 23 y 30 di April. Ta un curso masha interesante. Na tur trinta persona por participa den e curso aki. Esnan cu ta interesa por duna nan nomber cerca Sra. Van Gompel, Boerhaavestraat 30, na Oranjestad of cerca senjor M. Jessurun na Lago Heights 612. E ultimo anochi na e sala nan no ta tuma ningun hende mas, di awor caba e cantidad di participante ta casi completo.

NOBO NOBO NOBO
Nassaustraat 34

A caba di ricibi cu "Sta. Rosa" Panja bunita pa Pasen Grandi. Catenas-seda cu disenjo di ultima moda, panja "dimitt" pa mucha y panja blanco pa Viernes Santo.



PRINCESA Y PRESIDENT. — Princesa Alexandra di Gran Bretania aki ta hunto cu e President Mexicano Adolfo Lopez Mateos (na robes) y e embahador Sir Anso Mexico City. E princesa ta haciendo un bishita ofidial hunto cu su mama, Duquesa di Kent.

HOLLANDSE BANKETBAKKERIJ

Bernhardstraat 286 — San Nicolas

pa:
Pasteles fresco

y
autentico Hulandes

Yama: 5478 pa servicio a domicilio



IK HEB TREK IN

- "OUDE VLEK" -

jenever, gimporteerd door Fa. JAN C. LACLE Tel. 1048

E STEM INOLVIDABLE

pa Tuyuchi

No. 7

CAPITULO II.

E bus a stop pega cu e trankera di bardin y door dje bentana ari el a mira Gray ta baha. Oloshi a caba di bati 4.30 y Glenda tabata puntra su mes ta quico a pasa awe cu Gray a bini eis asina tempran. Su camera tabata cologa over di su skoudor. Gray tabata un excelente fotografo. Y e tabata usa pa su articulonnan hopi di su propio portretnan. El a traha tambe un propio camara obscura y e mes tabata laba su negatiefnan. Musica y sacramento di portret tabata su dos hobynan.

El a mira com el a pusha e porta di trankera ari y a pasa door dje camina di hardin. E no tabata e heroe bunita y baldadi, ni tampoco e hoben seur foi su ensuenjonan bunita mas, pero e tabata Gray, e homber cu antes e tabata stima.

E tabatin solamente un paar di centimeter mas altu cu el. Su cabellnan tabata mas pretu y ya tabatin algun hilt di plata ta dorna nan.

Su wowonan tabata bruin seur y tin bez e wowonan ari por a queda ta mira masha severo, mayor parti nan sa ta carinoso y e tabatin algun mira

da den nan masha brillante y tentador manera mucha hoben.

E no tabata asina baldadi manera e palhura ari tabata nifica den su fantasmanan. E tabata un homber calmo y pacifico, cu tabata conserva un reservacion silencioso pa cu hende stranjo, pero e tabata poseer un humor particularmente secu, loque hustamente tabata hacie entre su amigonan un combito aprecia.

E tabatin idealnan y su observacionnan tabata igual na esaki. Cerca Gray loque ta bon, mester queda bon. Y loque ta fout, ta fout maske cu ta su tata mes por haci esai. Pero contrario di esai e tabatin un pacenshi cu tabata haci hende nervioso. Y su senlencia tabata skerpi.

En realidad e no tabata bunita exteriormente, pero e tabata un persona calmo y curioso cu tabata obligu hende respeta.

Masha lihe e muhe a punta poco puru na su cara pa e homber no ripara cu el a jora-asina tanto. E tabata escapa bistanan vigilante dje homber ari. E muhe quier a paga tur loque tabata posible pa e por a trata e homber manera sa ta su custumber,

manera e tabata haci antes, corre baha trapi y tira su mes den Gray su brazanan y biza su boca scoricando pa e ricibi un sunchi di su esposo sitma.

Pero ya ta semannan caba cu e no a haci esaki mas y e beso indiferente cu apenas tabata tuma luga atardi ora cu e homber bini y mainta ora cu e bai no tabata nada otro sino un custumber bieu y cu riba su mes no tabatin ningun sorto di nificacion, peor ainda awor cu nan relacion tabata asina critica.

Glenda mester a convence cu esaki tabata su mes falta. Te mes a aleje di amor di Gray, pasobra el a considera su esposu infiel. Y cada bez cu Gray tabata husca acercamiento cu el, e tabata saca culpa.

Poco poco e tabata haba e trapi contra su boluntad pa e bai saludu su esposu pasobra esai tabata su deber. Hamas di su bida e tabata sinti asina tanto deseo di opone contra e homber ari manera awe.

E mes tabata comprende mucho bon com fastioso y verdiet su cara lo tabata awe despues di a jora asina tanto oranan largo enter dia. E tabata sa tambe cu su labianan tabata bleek y su wowonan tabata hinchu, sin embargo si e homber mester a punte motibonan di esaki lo e no por a responde toch.

Mientras para na mesa el a queda ta mira e homber, el a bise pa flauw excuus:

"Bo ta tempran awe, Gray".

El a pone su camera riba mesa. Pe-

ro e no a conta e muhe cu Mark Soerensen, e dokter specialista den asuntunan di nervio a jame awe na trabao, ni tampoco cu esaki su participacionnan a pone spanta asina tanto, cu inmediatamente el a bai eas.

CHOOSE A BED FOR A LIFETIME

CHOOSE

AUFING

BEDS

MESKER - agents

Mark a suplica Gray cu e no mester largu su senjora comprende pa nada di mundo cu el a bise cu su senjora a bin consult'e. E no tabata quier pa su patient sa com preocupu e tabata cu esaki su sintir.

Sin embargo tabata deber di e dokter di pone Gray como amigo y esposu di Glenda na altura dje situacion stranjo di nervio di su casa.

Y awor Gray a responde Glenda:

"Si, casualmente mi por a sali awe un poco mas tempran, pasobra ultimamente m'a queda hopi laat na trabao. Pero pa awe m'a hanja esai suficiente".

E ta sigui

Oduber & Kan inc.
Opticians tel. 2193

UN DI CADA CUATER PERSONA

tin e fastidio di menos bon bista.

PREVENI BO DI E HANDICAP EL

laga saming bo wowo.

ODUBER & KAN

OPTICONAN DEN NASSAUSTRAT No. 47

CISCO KID

Creyendo cu ta riba dje nan a apunta pa tira, e dama ta exhalá un grito.... Diabla, e cabai di Cisco ta spanta y ta para riba su patanan.... y Bull ta tira den nan direccion. Cisco, abo lo no bolbe hinca mi den prison.



JUAN EL INTREPIDO

Nos ta meimei di e mal tempo, Juan... aprocheba awor. Sigui asina, Jim... Mi ta bai precies den dje pa mi haci mi papel. Hola Paquita, mi no a spera di contra bo aki den. Boso tur bisti boso faha, pasobra tin mal tempo. Bai sinta padilanti Paquita, mientras mi ta sigura tur cos. Uf, alla ta Paquita ta mihor... y awor laga nos destapa e microfoon sin duna nan sospecha.



DICK TRACY

Mi ta supone, cu nos lo no mira nada mas asina nan tira den e camara, no ta asi? Bo tin razon, Popsie. Tur loke nos por haci awor ta scucha radio y cruza nos dedenan. Nos ta acercando e beach, Chief. Mi ta mira e helicoptero ta binendo di Noord. Awor no ta traha mucho mas. Kiko bo a haci cu e cantara di television alla? Tírela den lama.



RIP KIRBY

Esaki ta e auto cu Cindy a usa. E mester ta aki nan. Manera mi tabata teme... ta e auto cu Dr. Destino tabata corre aden.... Oh, no... no!



EL PRECIO DEL TRIUNFO

Ah, hola, Laura! Bo a bay mira Steve Wright? Lalo ta puntra. Si. Mi a tende algo a ataca su sistema nervioso central.... En realidad, bo no por haci nada mas, Laura. Ya tur cos ta haci.... Lalo Saxon, tin or mi ta pensa cu bo ta bisa un cos y e ta nifica otro cos! Por favor, bo ta brulha mi facilmente! Mi ta duda, Laura, querida! Tin algo mas, mi ta by eumine e tarta desagradable di duna bo prueba di tur cos! E ta sona peligroso pero.... bo quier invita mi bay bebe koffee?



EL DIARIO DE UNA VIDA

Bo no tabatin mester di molestia bo. Pero... Danki! E stranhero ta contesta Eva. De... e nada! Quico e a bisa bo? Mi a mira cu e a papia cu bo.... Quico e a bisa, Evita? Su amiga ta puntra. E a habla mi danki.... y e bisele di un modo.... Di verdad e a impresionami!



PEPITA

Oh! Esta terribel no, loque a pasa mi! Quico asina querida? Lorenzo ta puntra. Mi tabata busca algo y mi a lubida quico mi tabata busca.... Esta malora nol Quizas bo a haye caba. Haya quico? Pepita ta puntra irita. Quico bo a perde anto? Bo no confundí mi mas di loque mi ta caba tendel!



W
A
T
K
A
N
K
A
N
K
A
N
A
L
L
E
N



E TA SPERA DI KIBRA RECORD: — Bill Mullen di Kerrville, Texas, ta para dilanti di su avion chiki na Long Beach, California, na unda ela bisa cu e ta spera di kibra e record di vuelo di distancia largu door di bula for di Long Beach te na Roma, Italia. E ta un ex-piloto di guerra mundial II. E record actual ta 6.979 milja. E texano tin 35 anja di edad.

FACILMENTE HEINEKEN'S.....

CONT. DI PAG. 3

trata di bini home, pero e ta worde saca cu relevo di tercera base.

Cu e score 11-4 na su favor Heineken's ta mira e promer cero colga pe ariba pizarra den e quinto inning. Pero den e sexto na ta bolbe pa anota cuatro carrera mas. Hurry Blijden ta embasa pa mal tiro di tercera base. Tubeyo di Nunez den rightcenter ta pone Blijden te na tercera. Passage gratis pa Jack ta pone 3 na base. J. Lynch ta poncha, pero su ruman ta conecta roller suave pa segunda y Webbo Richardson no ta hunja oportunidad di tira pa ningun base, mientras cu Blijden ta aota. Awor ta bini un hugada cu ta provoca un protesta largo y innecesario di manager Gibbs contra di e chiefumpire Pantin Guerrero. E bateador Escalona ta conecta un roller suave dilanti di home nes. Pitcher Pantophlet ta fildea y tira home pa haci force out, pero e catcher no ta atrapa e bala y dos corredor ta anota. E bateador Escalona cu a keda para ta mira e hugada a dicidi di corre bai primera e ora. Catcher Richardson ta lanza habri pa primera yegando Escalona safe y anotando Ch. Lynch. Manager Gibbs ta alega cu e bateador a retira y ta discuti largo cu e chiefumpire. Esaki sin embargo cu tur su razon no ta cambia di opinion y no ta yama Escalona out. Rolling pa shortstop di Duinker y di Ellis ta cerra e inning cu hugada forza na segunda base.

E cuatro carreranan ey a pone e score 15-4 na favor di Heineken's. E septimo sortario ta trece dos carrera pa Amstel. Despues di dos out Pantophlet ta hitea den left. Error di segunda base y base por bola ta permiti Gancha y Webbo Richardson embasa pa yena base. Hit impulsador di Trenchi Hoffijzer ta percura pa dos carrera. Sharpe a serra e inning cu rolling den infield.

E novena di Heineken's ta sigi aumenan nan ventalia ora cu den e octavo inning nan ta anota tres biha. Fuerte rolling di J. Lynch ta dal na guante di tercera base sigi y worde fildea door di shortstop Wilson, pero esaki ta haci mal tiro pa primera permitiendo Lynch bai te segunda. Hit di Charlie Lynch ta pone su ruman na tercera. Violentus di pinchhitter pa Escalona ta ricibi base por bola pa yena base sin out. Otro pasaje gratis pa Duinker ta forza J. Lynch cu carrera. Ellis ta sigi cu fly den centerfield pa promer out, pero como cu e tiro di centerfield Hoffijzer ta bai pa segunda, Charlie Lynch ta hanja oportuni-

dad di anota for di tercera. Base por bola pa Hudson ta bolbe yena base. Blijden ta conecta hit empuhando Violentus cu e ultimo carrera di wegá.

Como cu a bira diezun 'or y e limite di tempo a worde alcanza, e noveno inning no a ser habri. E partido a termina pues cu score di 18-6 na favor di Heineken's cu ta so den e promer puesto cu e victoria aki. Nan tin awor dos victoria den dos salida. Amstel tin un victoria y un derrota y ta den segundo luga hunto cu Nesbitt.

Heineken's a conecta un total di 11 hit, ricibi 12 base por bola y come 9 ponche pa 18 carrera. Amstel a conecta mas tanto hit, ricibi 7 base por bola y come 4 ponche anotando 6 carrera.

Amstel 0 0 0 1 3 9 2 0 x 6
Heineken's 1 3 3 4 0 4 0 3 x 18.

Air Condition
your home



(foi responsabilidad di Redaccion)

Sr. Redactor di Arubaanse Courant permiti mi un espacio den bo corant tan lesa aki na Aruba, pa mi por contesta e Remetido di nos amigo Osvaldo Croes, bao di e titulo „LOGICA“.

UN CONSEJO PA OSVALDO

Pa Osvaldo Croes, un representante di pueblo, un instrumento politico di Gobierno na poder, ta dedica su tempo na scirbi coi loco den corant, mejor cos Osvaldo haci, ta invita „Conde di Cas Cora“, pa nan dos junto por sinta na Baynes saborea e ice-creamnan delicioso, i alaves pidi „Conde di Cas Cora“ pa conta historia di e wegá di Cashipete.

P.A.D.O.



JUNIOR MISS AMERICANA: — Phyllis Ann White, nach di Bluefield na Virginia ganadora di e prome contest pa Junior Miss di Merca di anja pasa, riba e foto aki e ta drecha e corona riba cabes di e ganadora di 1959 Judi Humphrey di Lewistown na Pennsylvania. Miss Humphrey a hanja un trofeo y un bours di 5.000 dollar pa sigui su estudionan.

Pa Fl. 5.75
Ta luminoso.

Kan, Inc.
Joyeria